



杨逸明(上海)

访崇明新民村

豁然开朗处,农户一新村。
甲宅藏林囿,中巴进院门。
犬猫皆富态,鸡鸭已肥臀。
翁媪邀人坐,甜瓜切满盆。

游龙泉下樟村

四望山村里,合围皆画屏。
泉飞如剑白,岩耸似瓷青。
朝气贪婪吸,春声仔细听。
农家具鸡黍,客共暮云停。

宿田家

驱车离闹市,来扣老农门。
鸡犬数声响,溪桥何处村?
草攀新屋瓦,雀啄古槐根。
一缕炊烟起,依稀认梦痕。

平乐镇花楸山访李家大院

车入深山径欲迷,几家农舍傍岩溪。
林间互答穿行鸟,坡上群居散养鸡。

大院谁来幽壑筑,小诗我带翠岚题。
欲医城市诸多病,只要常来此地栖。

吴 容(浙江·杭州)

钱江观潮

禅机岭上立高台,入眼江山翠作堆。
浙水纵横千里远,海门浩荡一望开。
击天云浪逼人起,动地潮音破梦来。
径去鲸波多顾恋,更从美女坝前回。

题北干山烈士纪念碑

北干山上栢苍苍,浩气丰碑共激昂。
肝胆披离融日月,头颅掷去证沧桑。
百年砥砺初心在,万里鲲鹏国运长。
我作清诗祭先烈,频驰捷报焕文章。

刘光军(河北·邯郸)

过南溪桥

梦里溪桥远岫间,扶筇扣节望樵山。
石栏照水两相看,去自潺湲留自闲。



深秋

寒深但觉凝重霜，落寞秋荷野水塘。
凋尽朱颜羞照水，借来薄雾补残妆。

过桃源有感

一泄天机失自身，无端喧闹满幽津。
桃源路上尘心客，谁是寻仙访道人。

山中人家

篱笆三尺乱花开，一院春光染绿苔。
无锁柴扉闲半闭，还看红杏出墙来。

杨学军(江苏·南京)

为溧河洼秋景题照

逡巡步未休，归路又回眸。
靚羽穿云去，残阳带韵收。
水深藏丽影，景阔寄风流。
最喜横屏看，湖西好个秋。

鹭影

落水疑为玉，入题胜似霜。
称奇因展翼，垂影戏秋光。

叶青才(安徽·岳西)

长白山天池

孰觅天池幸运中，我来长白竟相逢。
幽蓝不似寻常梦，人到神湖一窍通。

呼伦贝尔

眼帘初开见呼伦，万顷碧毡铺到云。
若有神仙邀我坐，先开老窖醉三分。

白露

一丸何似玉玲珑，兼报秋风西复东。
远岫清光凉袭袭，小桥浅水暗融融。
眼中余尽去年草，头顶摹成暮岁翁。
为露为霜人不识，月轮又起栗林中。

钟继红(四川·遂宁)

谒象山书院

一入黉门便出尘，墨香四溢醉三春。
龙溪诗草传千载，书院文风化万民。
花径行思先祖德，莲池仰慕瘦梅人。
川中真士今何在，松柏青青是至亲。
注：钟瑞廷号“梅花瘦人”，写梅花之诗有：
“笑傲梅花太瘦身”，“瘦较梅花减一分”。

雨后

苔痕绕砌滋新雨，树色萦烟沐晓风。
莺过青枝花影乱，小池醉点杏腮红。

祝成润(浙江·杭州)

美丽兰溪颂

兰江秀丽水流长，渔火星光入梦乡。
八卦村民传古训，千年芥子绎文章。
两山南北云横翠，六洞长河揽胜场。
致力宏图圆绮想，兰城愿景更辉煌。



田喜(贵州·绥阳)

诗乡绥阳县城即景

街道参差别样颜,楼新似岭欲接天。
诗花采采连山外,鸟语悠悠落日边。
一水高低携韵去,满城老少枕歌眠。
桥头风景真堪醉,垂柳如丝钓画船。

重庆梅花山谒张自忠将军墓

晨来敬拜雨纷纷,可是天公痛断魂?
淮北城郊彪虎啸,杏儿山上巨星沉。
他朝鏖战堪服鬼,今日成梅不逊春。
一岭柏松承壮志,凌云万树似将军。

石宝霞(江苏·东海)

过西溪湿地

风浣云天水浣纱,沾衣扑面尽芦花。
秋光满目凭谁赋,一鹤排空日正斜。

细雨中闻柳笛偶成

春到山乡自有情,又从柳笛发新声。
泠泠三日桃花雨,染得千峰一色青。

即景

藕满池塘水满陂,乡村六月雨霏霏。
谁人荷笠在田垄,一任嘉禾绿染衣。

游文畅(浙江安吉)

鹧鸪天·登凤凰山

一隔浮云上九霄,回身转望市塵遥。
凤凰阁下烟凝露,望月台前雾卷涛。
因细雨,著高标,晨风抚我慰劬劳。
轻狂已出重山顶,亦与松邻亦与巢。

徒步蒋公道上莫干山

秋凉如水漫秋山,更慕溪鱼胜我闲。
万朵浮云巢岭上,一条飞练系岩间。
名流聚市喧而绝,剑气冲牛去复还。
别墅争奇今半锁,无由道是出乡关。

与陈工、老黄头同登五峰山

五峰之上日新晴,碧翠如潮天际生。
古邑腾烟疑蜃市,茗溪织带入蓬瀛。
莽榛交错漫山起,赤壁嶙峋隔岸横。
正是秋深堪啸傲,何须荷锺负名轻。

陶林仁(江苏·东海)

与冰枝先生游西湖

为践西湖约,不辞千里行。
苏堤谁咏蝶?柳浪自闻莺。
有塔接天宇,随鸥过绿汀。
相携斜照下,指点一山青。

登羽山

春山新雨后,红瘦绿添阴。
紫燕云天友,清泉涧底琴。
携朋寻鯨石,觅句放诗襟。
何必嗟名利,难能自在心。



黄谷宇(浙江·嘉兴)

访善家洋村二首

一

清溪红树拥苔径,颓壁残檐挂老藤。
村落尚闻留绝艺,水磨垂面至今能。

二

荒村莫道只危岩,落拓应知两不嫌。
笔墨生涯惟剩酒,青山衬我一青衫。

菩萨蛮·中秋独步

冰盘才上楼之角,清晖已泻乡之陌。
独伫听虫鸣,髫年事忽呈。剥菱
争炫技,分饼还游戏。言笑隔空来,仰
头泪满腮。

傅震宇(浙江·海宁)

南乡一剪梅·访横路古村落

幽隐玉山隈,石阵纵横访客迷。
巷陌沉凝玄武色,阶也参差,屋也参
差。莲说壁间题,梦里清涟世未
移。父老俱称周姓氏,人在澄溪,思在
濂溪。

沁园春·磐安尖山行

台地丘陵,浙中佳处,风物堪娱。
念茶传婺白,幽馨暗沁;村名乌石,古
画徐铺。曲径澄溪,火岩冰白,出岫秋
岚任卷舒。惊飞渡,更舞龙峡口,玻棧

凌虚。此来如醉蓬壶,挥吟指拨
云叩隐庐。喜红衣把盏,湍飞逸兴;诗
俦论道,法阐醍醐。垂地虹霓,击天声
浪,奇景相逢共一呼。放游屐,笑穷经
闭户,莫学鰕儒。

拙诗结集告成得句

卷开疑觉晓霜侵,诗共寒樽只自斟。
几点痴生千种慨,一堆纸耗卅年心。
风花过眼梦幽隐,悲悯向天空短吟。
未逐新潮应未悔,古人许否托知音?

袁传宝(江苏·南京)

泉山国家森林公园

彭城绝胜处,玉岭五峰西。
古道林幽立,泉山木秀颀。
石羊如乱走,湖涌似龙离。
探访张仙洞,忽忽广野迷。

云龙山

云舒云卷字苍茫,龙起龙伏漫峻冈。
高祖藏龙云上隐,东坡放鹤岭间翔。
流泉含气思三让,刻墨遗崖传四方。
赏景怀人一醉笑,登高揽月水流觞。

彭俊枫(贵州·纳雍)

冬游观山湖公园有感

几处寒鸭戏碧波,无边瘦柳影婆娑。
湖山数欲寻诗梦,却捡闲情雅趣多。



龙宫游感

春风骀荡动心怀，乘兴寻幽探秘来。
情系缘因龙共舞，此间莫许叶公猜。

刘善良(四川·遂宁)

题罗平雾海

大山深处流浓雾，缠住群峰不放行。
松立危崖云已隐，鸟鸣险壑日将明。
休愁绿韵林间卧，无限风光岭上横。
骚客欣然藏此景，归来泼墨弄诗情。

来根友(浙江·嘉兴)

登烟雨楼

烟雨一楼湖镜中，漫凭谢屐纵眸雄。
悠悠长水古今眇，屹屹秦山云雾蒙。
多少英贤悬北斗，纵横典籍指南功。
已明征路心扉晏，招手遥天人字鸿。

南湖秋望

谁钓清波气息恬？予怀渺渺四望酣。
蓬莱孤峙兀冲上，鸿鹄群飞自向南。
垂柳依依筑栏栅，晴光灼灼暖烟岚。
红船碧血旌旄展，百载堪谈口角甘。

蔡圣波(浙江·瑞安)

白象清宁桥

托起长虹气万千，清波潋滟泛漪涟。
行人车马如流水，天堑途通一力肩。

南塘人家

日照浮屠塔影斜，小桥河畔有人家。
园林修竹惊飞燕，农屋炊烟绕乱鸦。
窗外青山遮云雾，门前绿水闹莲葩。
消魂应是黄昏近，稻浪轻风送落霞。

黄兴龙(浙江·鹿城)

再游百丈漈

漈连天顶回崖险，气壮河山难放晴。
银瀑飞流崇百丈，翠峰环立誉文成。
尚疑彩练当空舞，还叹长鲸喷水声。
澎湃咆哮云际过，蛟龙带雨迅雷鸣。

古稀戏作七律自娱

风云岁月取春雷，人事骎骎入梦来。
尺璧堪珍浮紫气，寸阴无价脱黄埃。
三思举步诗情出，百折毋回世眼开。
乐水乐山骚客意，一身文胆莫疑猜。

李炳斌(吉林·永吉)

华山

西岳巍峨险，长空栈道连。
熏风生万仞，飞瀑落千川。
翠柏参星斗，浮云绕岭巅。
奇峰多壮丽，引我上青天。

秋

群山增秀色，江上荡渔舟。
枫叶随风落，云龙逐雁游。



黄花开石径，暮日隐林丘。
候鸟知寒意，急飞寻树投。

文会春(江西·会昌)

题庄埠乾坤岩

百载沧桑胜景存，岩藏河洛有乾坤。
曾因胡氏演周易，从此山间遗卦痕。
好好先生奋鸿笔，莘莘学子跃龙门。
钟灵最是尘嚣外，田地深耕福子孙。

许尔康(江苏·泗洪)

晚泊

一湖清碧水，百里景生光。
明月沉波静，红荷斗艳香。
风摇堤岸柳，鱼跃浅波塘。
北往南来客，舳舻入港湾。

何亚兵(江苏·扬州)

咏桐乡乌镇

江浙多名镇，双墩满物华。
桐乡怀梦处，枕水旧人家。

雪厚霜桥度，篷乌逐水流。
丝绸编日月，鱼米话春秋。

李鸿楷(浙江·瑞安)

喀纳斯景区抒怀

行过龙潭月亮湾，雪滩碧涧水潺潺。
一湖秋浪霞光丽，满眼云峰夕照斑。
琪草琼花铺旷野，风光奇景胜仙寰。
溪桥信步坪茵处，红缀梯崖绿缀山。

丝绸路上

铁龙呼啸壮边声，瀚海新翻商旅程。
丝路夕阳铺丽彩，蓝天秋月展柔情。
驼铃声袅汉唐韵，羌笛歌欢锦绣城。
古道如今添媚景，霓虹街市夜峥嵘。

向明月(四川·成都)

华夏行吟之·湖南湘潭白石故居

百岁功名老画翁，曾惊寂寞广寒宫。
春风万里携翰墨，能得人间几度逢。

木匠风流不自疑，江湖万里写相思。
虫鱼花鸟长为伴，今日湘潭舞丽姿。

万里千年眼欲穿，湘潭才子聚光前。
京城名动根长在，白发何人古佛肩。

张炯(甘肃·张掖)

赴黑水国遗址随感



旧驿西城弱水边，黄沙古道路绵延。
汉唐遗址今仍在，断壁残垣野草间。

二

千年遗址哪朝开，百里丝绸史未传。
美玉和田惊所现，青铜古物最值钱。

顾文显(吉林·长春)

鸭绿江畔山行

扶摇小径若悬梯，俯首狂吟万树低！
野鹭潮头行疾雨，渔姑画里舞红霓。
云无绿卡闯邻国，水化红唇吻大堤。
我料天涯应不远，夕阳唯宿此峰西。

贾智德(四川·成都)

五律二首

一

朝迎一抹霞，小路伴山花。
泉水林中鸟，轻云陌上瓜。
虬松抱石壁，翠竹傍人家。
瀑布前川挂，溪流漫峡涯。

二

炊烟袅袅后，江岸两三星。
梦去心留白，山来眼满青。
鱼游树上叶，月落水中萍。
情寄湔江水，随流去远征。

陈应龙(贵州·大方)

看黔灵湖荡舟

灵湖澄碧漾黔山，歌里烟波画里船。
情侣依依同弄棹，柔风缱绻正陶然。

鹧鸪天·沟涧野蔷薇

不喜红尘闹世中，欣然绽放一丛丛。
嶙峋石缝根深嵌，耿介芳心香自浓。
朝吮露，晚迎风；无拘秉性态从容，
一腔挚爱山沟洒，狂野情怀孰与同？

向剑华(四川·遂宁)

参观杭州桐庐美丽乡村

烟雨丝丝落，桐庐小镇游。
溪流飞画卷，野色展眉眸。
小巷千家静，平林百鸟讴。
手机迷美景，揽物寄乡愁。

春 雨

窗外沙沙响，田中浸润忙。
新苗携嫩叶，小径有泥香。
深夜千家静，清晨百鸟扬。
无声花更艳，雨后送芬芳。

张貽璉(安徽·宿松)

浣溪沙·暑躁

丈罢林曦又煮霞，一壶平水沏心花。
金针冒热度云涯。羞见雀儿夸海口，
悔将头屑寄长沙。武桥叮嘱



学龟蛇。

玉楼春·偕游崇明岛

最欢湿地茸茸草，一洗眸中尘雾袅。画桥水上系曦轮，栈道平铺滩客钓。缘牵梦幻烟波岛，顿觉浮生天地小。欲同开发水云心，不让蓝屏诗色老。

张 鹏(江苏·常州)

题婺源庆源古村

碧水石桥衔落花，空山老树抚流霞。居中堪念三玄远，转首犹观一径斜。鸡犬闻声殊轨辙，舟车绝影淡生涯。欲留残息此间驻，但恨桃源非我家。

卷珠帘·寄远

可忆那年新雨后，梦里阑珊，起舞牵红袖。老了春花酿清酒，知谁暗结相思豆。多情自古催人瘦，明月相悬，离恨萦窗牖。欲问流光君知否？微风岸楚腰如柳。

刘 欣(北京房山)

赤峰玉龙沙湖

借道红山访玉龙，沙湖水碧鸟潜踪。驼铃震响千年梦，大漠孤烟接远空。

临江仙·新老年生活

岁月消磨风雨里，遥闻飒飒秋声。点盘梳理枉多情。愧谈成败事，无意是非评。名利尽抛心不累，坦然清淡人生。钓溪泼墨乐纹枰。烹茶听古曲，偕友踏歌行。

尹登林(安徽·太和)

游法门寺

跛脚不辞远，虔心谒法门。地官藏圣宝，寺塔耸雄浑。舍利传千载，禅光净六根。何方真净土，容我驻游痕。

久旱无雨，车过龙王庙口占

赤炎如浪自汹汹，天上片云难觅踪。料是龙王亦唯上，只遵玉旨不怜农。

俞 正(江西·东乡)

浣溪沙·桥西四位村

雨剥风摧商贾庐，当年记忆已模糊。眼前景象太葫芦。昔起云林高士画，今吟诗壁故人书。楝花香里祖祠孤。

浣溪沙·金溪下李村

水绕山环少雾霾，云岚飘抵进村来。新园旧苑画图开。偏处幸无圈地贾，高楼远见读书台。主人好客几推杯。



张登军(宁夏·吴忠)

暮行雨后黄河边

秋雨涨黄河,长天浊浪多。
浓云藏落日,孤鹜入烟波。
静立听天籁,吟行作苦歌。
悲欢随逝水,半世恨蹉跎。

采桑子·落叶感遇

残阳如血江天冷,衰草荒丘。凋
树沙洲,落叶随风逐水流。 轮回
苦海多情客,知为谁忧?天际孤鸥,无
限寒秋飘渺舟。

瞿建军(浙江·丽水)

好溪赏月

好溪秋水薄芜纱,幽径宛延溢桂花。
岸柳清风应有意,楼亭吟趣更无涯。
相携旧雨嘘华发,且将心累付暮霞。
岁岁中秋添诗话,合欢共度佳年华。

太常引·中秋

高天皓月照平畴,郊野夜清幽,
望远上琼楼,鹭栖处,芦花渡头。
秋深露冷,悠悠往事,何日解乡愁。万
事待重谋,雾消尽,清光更柔。

陈书英(江西·靖安)

临江仙·游高湖百香谷

谁种疏篱花满径?毗邻半亩莲塘。
手拈翠盖扮红妆。馨风吹袖舞,玉
指染荷香。 水映横桥浮月影,谷
幽蝉噪声长,凉亭飞燕剪斜阳,乡村
如画美,迷醉几娇娘?

陈金梅(甘肃·武威)

行香子·山行

雨后风清,溪涧花明。正闲云、影
随人行。薄衣再减,绿蚁还倾。有许多
香,许多笑,许多情。 牧犊堪惊,
野趣天成。最宜他、松下调箏。鹿门放
逸,蝶梦牵萦。把梅花弄,渔舟唱,潇
湘听。

蝶恋花·雨荷

照影新荷风有约,万斛千觞,堕
碎珍珠落。红袖翠鬟云一搦,今生蝶
梦凌云阁。 泪落请波谁可托,几
度流连,终是花笺薄。细雨铃零今似
昨,横塘苦等君之诺。

苏玉容(湖北·随州)

南乡子·三潭有记

景色最清嘉,春日寻芳漫驻车,
回应娇莺如解语,查查,有种柔情胜
过他。 七米即天涯,六米还劳碧
树遮,一米想来应够了,沙沙,揉碎枝



头野杏花。

二

景色最怡人，知否春心犹可焚，
十丈软红谁为主，天真，一驾轻车已绝尘。
非我亦非君，去岁相思见在身，
几树白花盈手采，山珍，有种深情不可云。

谭 斌(湖南·岳阳)

南湖晓梦

七彩云霞水接天，涟漪映日笑嫣然。
南湖或饮晨曦醉，抱吻龟山雾里眠。

岳阳樱花园

悦目巴陵一片霞，飞红溅绿绽奇葩。
银光紫气腾云起，羡煞天堂玉帝家。

蒋荫焱(浙江·杭州)

游大鹿岛(三首)

乘风游向海中山，涉过金沙拾级攀。
万木氧吧清肺腑，数间石屋好休闲。
朝凭涛浪舒胸臆，夜对星天绽笑颜。
明日回城愁已起，舟车不载白云还。

八仙过海有奇观，疑幻疑真迹已残。
绿树洞头青玉镜，白鸥翅下碧波澜。
远船似岛何曾动？小岛如船相对看。
东望大洋蜃气散，诗情禅意共盘桓。

胜迹环崖林径延，琼楼仙岛不虚传。
雷声雪浪漫天下，海日红潮到眼前。
十里礁滩留影乐，一窗星月枕涛眠。
别时先订重来约，以结相思未了缘。

孔汝煌(浙江·杭州)

雨湖观赏留影叠韵三首

雨湖邀我与山妻，一路荷声迓两堤。
老碧残红笑双影，无须借伞别参稽。

烟雾笼中携老妻，柳丝织雨白苏堤。
西泠剑柱千秋碧，女侠凝思不可稽。

奢华此日及贫妻，贪看包湖雨笼堤。
玉带晴虹桥上立，麝香荷浥岂无稽。

徐 正(浙江·桐乡)

桐乡崇福夜景一瞥

日近黄昏夜幕临，运河两岸掠飞禽。
东西栈道人流涌，疾走缓行遂我心。

章长斌(湖南·涟源)

秋游岳麓山

邀友登临亦沈酣，麓峰神韵惹人馋。
听泉鹤有金秋伴，爱晚亭依玉爪鲜。
溪水流琴鸣嶰壑，丹枫焰火透重岚。
痴心不老心犹醉，书院挥毫入画帘。

